



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1842

XLII. Sämmtliche Gebrüder und Gevetter von Quitzow bekennen, ihre
Lehne von dem Churfürsten und von dem Bischofe von Havelberg
empfangen zu haben und bestimmen einige Punkte des Näherrechts, im
Jahre ...

Nutzungsbedingungen

[urn:nbn:de:hbz:466:1-54306](https://nbn-resolving.org/urn:nbn:de:hbz:466:1-54306)

XLII. Sämmtliche Gebrüder und Gevetter von Quitzow bekennen, ihre Lehne von dem Churfürsten und von dem Bischofe von Havelberg empfangen zu haben und bestimmen einige Punkte des Näherrechts, im Jahre 1496.

Wy Diederick vnd Cöne, Gebröder van Quitzow, olde Diederick van Quitzow feel. Söhns, wahnhaftig vnd erffgefeten tho Klietzke, Eldenburg vnd Stavenow, vnde wy Achim, hanfs vnd Götze, kersten vnd Claus, Achim, Henning von Quitzow feel. Söhns, Gebröder vnde veddern von Quitzowen, erffgefeten tho der Groben vnde Kostorpe, wy alle bavengeschreven van Quitzowen, ein Islick by sick, wy bekennen vnde betugen in desen vnfern apen breve, vor vnfs vnde vnfre rechten Erven vnde süs vür alsweme, de düßen vnfern apen breff sehn effte hören lesen, Dat wy alle sitten in enem fahmenden lehne vnd samptlich belegen seindt in enem fahmenden lehne van vnferm gnädigsten Hern Marggraffen tho Brandenburg etc. vnde van vnferm gnädigen Heren van Havelberg so-dahn Güter, als wy van ehren gnaden to lehne hebben. Ock bekenne wy Achim, hanfs vnd Ghötze, Kersten, Claus vnd Achim, henning van Quitzowen feel. Söhns, Gebröder vnde veddern van Quitzowen, vor vnfs vnde vnser Erven, dat Diederick vnde Cone, Gebröder van Quitzowen, vnd ehre rechte Erven neher der bort vnde Güder findt, als Laurentze van Quitzow, wahnhaftig tho Quitzowell, vnde Claus van Quitzow, wahnhaftig tho Ruestedt, vnde hanfs van Quitzow vnd Claus von Quitzow, Hanfs Söhne, wahnhaftig tho Stavenow, mit den angestorven Güdern, de Claus van Quitzowen feel. tho Stavenow findt angestorven van Lentze von Quitzowen wegen, neger findt sick erflicken tho bruckende vnde tho behöldende, wen wy findt, vnde ehre Oldern gyher so gehalten hebben, ane vnser Oldern anspracke effte thofage, vnde wy vnde vnse Erven En vnd ehren Erven mit nenerley rechte efft anspracke darumb beschulden effte bedegedingen willen, worin so-dans müchte. Ock wedderumb bekenne wy Diederick vnd Cöne, Gebröder van Quitzowen, vor vnfs vnd vnser Erven, Dat Achim, Hanfs vnd Götze, Kersten vnd Claus vnd Achim, Henning von Quitzowen feel. Söhns, Gebröder vnde veddern van Quitzowen, ere part dauon dodefs wegen affgienge, dar Gott lange vor sy, dat wy vnde vnse Erven der verstorvenen nen recht tho hebben effte hebben willen, vnde funder vnfs vnde vnser Erven anspracke, dewyle dat dar we van deme Part levet vnd in wat Part dar Gott ersten aver büth vnd funder Erven verstorven, dar Gott lange vor sy, de mag sich holden an de fahmende lehne vnde ock ehr nicht, vnd ein Jeder ein dem andern in siner besittung tho latende, funder jennigerley thofpracke, wo man de benömen möchte. Alle dese bavengeschreven stücke, puncte vnd artickele vnd ein yslick by sick lave wy ergenandte bavengeschreven van Quitzowen en dem andern vnde vor vnfs vnde vor vnser rechten Erven stede vnd vaste vvorbraken woll tho holdende, funder jennigerley argelift effte gefehrde, wo men de benömen möchte. Vnde hebben, des tho groter bekentnis vnde mehr wissenheit, vor vnfs vnde vnser rechte Erven ein Islick sin Ingefegell willicken laten hangen benedden an düßen vnfern apen brieff, de gegeben vnde geschreven ifs na Christi vnsern Hern gebort 1496 Jahre, am Mandage in den hilligen Pfingsten.

Nach einer alten Copie.